

131 Aruba tawata invitado n'e Consulta International 2025 di Child Helpline International

"E consulta aki ta algo grandi. E no ta trata di negoshi. E no ta trata di ganashi. E ta trata di nos futuro. E ta trata di nos muchanan". Esey tawata e palabranan cu Hon Doreen Sefuke Mwamba, Minister di Desaroyo di Comunidad y Servicio Social di Zambia-Africa, a habri e Consulta International 2025 di Child Helpline International na Livingstone Zambia.

Cada pasa dos aña Child Helpline International ta organisa un Consulta International. Durante e Consulta International tur e liñanan di ayudo di diferente pais y teritorio ta bin hunto pa ekipa nan mes cu e ultimo conocimiento pa loke ta retonan pa cu mucha y hoben, y evidence based best practices mas nobo.

Desde 1999, 131 Aruba ta dunando sosten emocional, conseho y informacion na nos mucha-, hoben-, mayor- y profesionalnan aki na Aruba, y desde aña 2022 e mucha y hobennan na e islanan di Bonaire, St. Eustatius y Saba. Na aña 2003 Child Helpline International a ser funda, y 131 Aruba a afilia su mes na e organisacion internacional aki. Total tin 150 liña di ayudo miembro for di mas di 130 pais y teritorio rond mundo. 131 Aruba ta un miembro prominente for di cual hopi biaha asistencia ta ser pidi na momento cu



un liña di ayudo nobo na Latino America of Caribe ta bay cuminsa opera of na momento cu un existente tin mester di capacitacion. 131 Aruba siendo un di e 150 miembronan rond mundo di e organisacion aki, ta ricibi informacion (ta wordo alerta) di kico ta pasando na otro paisnan y kico por ta biniendo pa cu/entre mucha y hobennan, pa nos por prepara nos organisacion pa enfrenta e 'fenomenonan nobo' aki.

For di 23 di juni te cu 26 di Juni a tuma luga e Consulta International 2025 di Child Helpline International 'Children at the centre'. Ariba dialuna 23 di juni net prome cu e Consulta International a inicia, a tuma luga un training tocante di Online Harms y con pa trata cu esaki.

Esaki a ser duna na un grupo selecta di liña di ayudo di cual 131 Aruba tambe a participa. Di 24 di juni te cu 26 di juni e Consulta International a tuma luga. Un total di 87 pais miembro a asisti na e

Consulta International di Child Helpline International.

E programa di e Consulta International a consisti di diferente oradornan manera mandatarionan di diferente republica di Africa, organisacionnan internacional manera Plan International, Save the Children, UNHCR, United Nations Zambia, Unicef Zambia, Unicef, Africa Child Policy Forum, Children's Advocate of Jamaica & National Rapporteur on Trafficking in Persons etc etc.

Temanan cu a ser trata durante e Consulta International 2025 di Child Helpline tawata:

- Uzo di media social pa sostene proteccion di mucha y salud mental,
- Experiences on the impact of aid cuts,
- Child Helpline Partnerships in the digital Age,
- Broadering horizons,
- Increased digitalization & AI-optimistic and cautionary tales,
- Building the evidence base, practical approach to impact assessment,

- Tackling technology-facilitated child sexual exploitation and abuse,
- Strengthening protection for children on the move,
- Leveraging helplines in emergency settings,
- Child helpline and the evolving landscape of children's mental health.

Tur conocimiento adkiri durante e Consulta International lo ser incorpora den e maneho y servicionan di 131 Aruba, pa asina por duna servicio efectivo na nos mucha y hobennan di Aruba, Bonaire, St. Eustatius y Saba. E informacion y conocimiento aki lo ser comparti tambe cu otro organisacionnan aki na Aruba y region.

131 Aruba kier a gradici Child Helpline International y Unicef pa e invitacion.

Pa mas informacion tocante e participacion di 131 Aruba na e Consulta International di Child Helpline International, por tuma contacto via nos website: 131.aw, e-mail: 131aruba@gmail.com of telefon 5886138/ 5884011.